

Pregovori o Žepču

Intenzivni pregovori o problemima u općini Žepče, koje je vodio viši zamjenik visokog predstavnika Hanns H. Schumacher, su održani u veoma konstruktivnoj atmosferi u bazi SFOR-a u Rajlovcu.

Mada uvažava činjenicu da se puno toga mora postići naredne sedmice, Ured visokog predstavnika je i dalje uvjeren da je sveobuhvatni sporazum o Žepču moguć i izražava nadu da će biti moguće zaključiti pregovore naredne subote, za kada su se sve strane saglasile da održe još jedan plenarni sastanak na istom mjestu.

Jučer se razgovaralo o širokom spektru pitanja, od zajedničke općinske uprave i obrazovanja do integracije cijelokupne općine Žepče u kantonalne strukture. Strane su se složile da će arbitražne odluke OHR-a i OSCE-a i dalje biti osnova za nastavak razgovora o zajedničkoj općinskoj upravi. Također se razgovaralo o pitanjima općinskih granica, i to na osnovu principa koje su prihvatili svi, tj. da se ne smije zadirati u teritorijalni integritet Žepča. Dogovorenih su i opći principi, npr. da političke promjene u općini Žepče ne smiju ići na štetu privatnog poduzetništva. U narednih nekoliko dana eksperti i dvije radne grupe će pripremiti elemente sveobuhvatnog sporazuma.

OHR je i dalje ubijeden da se sveobuhvatno rješenje može iznaći jedino ako ga podrži većina u svim etničkim grupacijama u ovom području. Jedini mogući način da se ide naprijed jeste da se postigne koncenzus koji je prihvatljiv za građane Žepča, Maglaja i Zavidovića.

OHR se zahvaljuje svim stranama na njihovom ozbiljnom učešću u dugom i iscrpljujućem sastanku i poziva ih da ostanu predani ovom procesu tako da bi se pregovori uspješno zaključili.